



Anamwakilisha Baba

Baba mwenye haki, ulimwengu haukukujua; lakini mimi nalikujua, na hao wamejua ya kuwa ndiwe uliyenituma. Nami naliwajulisha jina lako, tena nitawajulisha hilo; ili pendo lile ulilonipenda mimi liwe ndani yao, nami niwe ndani yao.—**Yohana 17:25, 26.**

Kristo alikuja ulimwenguni ili kumwakilisha Baba kwa mwanadamu; kwani Shetani alikuwa amemwasilisha mbele ya ulimwengu katika mwonekano usio wa kweli. Kwa sababu Mungu ni Mungu wa haki, mwenye ukuu wa kutisha, ambaye ana uwezo wa kumharibu pamoja na kumhifadhi mwanadamu, Shetani aliwafanya wanadamu wamtazame Yeye kwa hofu, kumwona Yeye kama dhalimu. Yesu alikuwa pamoja na Baba tangu zama za milele, kabla ya kuumbwa kwa mwanadamu, Naye akaja kumfunua Baba, akisema, “Mungu ni upendo.” Bwana Yesu alimwakilisha Mungu kama Baba mwenye fadhili, anayewajali raia wa ufalme Wake. Yeye alisema kwamba hakuna shomoro anayeanguka chini bila ya Baba kujua, na kwamba watoto wa watu wana thamani zaidi katika macho Yake kuliko shomoro wengi, hata nywele za vichwa vyao zote anajua idadi yake.

Bwana anawasilishwa kwenye Agano la Kale na pia kwenye Agano Jipya sio tu kama Mungu wa haki bali pia kama Baba wa upendo wa milele. Mtunga zaburi anasema: “Bwana ndiye afanyaye mambo ya haki, na hukumu kwa wote wanaoonewa... Bwana amejaa huruma na neema, haoni hasira upesi, ni mwingi wa fadhili.... Hakututenda sawasawa na hatia zetu, Wala hakutulipa kwa kadiri ya maovu yetu. Maana mbingu zilivyoinuka juu ya nchi, Kadiri ile ile rehema zake ni kuu kwa wamchao” ...

Shetani alikuwa amemfunga Baba katika sifa zake mwenyewe, lakini Kristo alimwakilisha Yeye katika tabia Yake ya kweli ya ukarimu na upendo. Katika tabia ambayo kwa hiyo Kristo alimwasilisha Yeye kwa ulimwengu ilikuwa kama vile Yeye alitoa zawadi mpya kwa mwanadamu...

Mwana wa Mungu alisema kwa namna chanya kwamba dunia ilikuwa imekosa ujuzi wa Mungu; lakini ujuzi huu ulikuwa wenye thamani ya juu sana, na ilikuwa karama Yake mwenyewe ya pekee, hazina isiyopimika aliyoileta duniani. Katika utendaji Wake wa ridhaa ya kifalme, aliwagawia wanafunzi Wake ujuzi wa tabia ya Mungu, ili wapate kuiwasilisha kwa ulimwengu... Kila anayeamini ujumbe wa Mungu inampasa amwinue Yesu, aelekeze watu kwa Kristo, na kusema, “Tazama, Mwana-kondoo wa Mungu, aichukuaye dhambi ya ulimwengu”

Nafsi iliyojazwa kwa upendo wa Kristo i moja pamoja na Yeye; huyo huwasiliana na Kristo, Kristo anatengenezwa ndani, tumaini la utukufu, na Mkristo anaenda kumwakilisha Baba na Mwana katika ulimwengu (The Signs of the Times, Juni 27, 1892).